

incurvis, capitulo majusculo, involucri basi tomentelli phyllis 8 flosculis luteis concoloribus brevioribus, acheniis brevibus striatis crebre squamelloso-muricatis in rostrum eis triplo brevius sensim attenuatis  $\varphi$ .

Hab. in pascuis siccis regionis alpinæ Anatoliæ, Olympus Bithynus (Auch. 3333! Boiss!), montes Davros Pisidiæ et Anemas Lycaoniæ 6000' (Heldr!). Specimina Persica in Diagn. dubitanter citata huc non spectant.

Planta 3-4-rarius 6-7-pollicaris, radix tenuis longa nuda cujus terminationem non novi, folia radicalia 2-3-pollicaria 2 lineas lata, caulina caule multo breviora, achenia 6-7 lineas longa.

24. **T. aureum**, parce floccosum tandem glabrum viride, radice tenuissime cylindricâ nudâ ramosâ, collo tenui vaginato-fibroso, caule pumilo simplicissimo ad medium folioso, foliis brevibus 7-9-nerviis acutis inferioribus lanceolatis basi longe attenuatis, superioribus amplexicaulibus oblongo-ellipticis acutis, capitulo magno, involucri phyllis 8-9 abbreviatis margine puberulis, flosculis marginalibus latis intense aureis involucri duplo longioribus, acheniis...  $\varphi$ .

Hab. in collibus Ponti Lazici ad orientem montis Tcharantach sitis (Bal!). Fl. fine Julii.

Semipedale vel paulo procerius, folia 4-5 lineas lata, infima pollicaria sæpe obovata, sequentia cum petiolo 2-4 pollicaria, summa 12-15 lineas longa 5-6 lata, capitulum pulchre aureum illo *T. Orientalis* majus. Radice tenui sed certe perenni et foliis brevibus insigne.

25. **T. filifolium** (Rehmann Mss.) ad vaginas inferiores et folia radicalia lanatulo-ciliatum cæterum glabrum, radice tenui verticali, caulibus ex collo fibroso 2-3 ascendentibus pumilis monocephalis parte dimidiâ inferiore foliatis, foliis anguste filiformibus flexuosis, caulinis in vaginam dilatatis, capitulis parvis, involucri phyllis 8-10 angustis acuminatis basi tomento deterrenti brevi obsitis externis 1-2 subbrevioribus, ligulis flavis involucrum quartâ parte superantibus, acheniis parvis angulatis ad angulos muricatis apice sensim brevissime et indistincte rostratis  $\varphi$ .

Hab. in fissuris rupium colli Darial Caucasi (Rehmann!).

Folia radicalia 2-3 pollices longa dimidiam lineam vix lata, caulinatorum vagina sesquilineam lata, caules 8-10-pollicares, achenia 5 lineas longa, pappi achenio triplo brevioris setæ nonnullæ longiores apice scabræ. Species foliis angustissimis, acheniis breviter et obsolete rostratis insignis.

26. **T. erostre** (Boiss. et Haussk.) glabrum glaucescens, rhizomate suffrutescenti ramoso pluricipiti cespitoso-multicauli, caulibus tenuibus elongatis inferne crebre foliosis simplicibus vel parte inferiori parce ramosis, foliis anguste linearibus trinerviis flexuosis, superioribus valde abbreviatis basi non dilatatis, pedunculis longis gracilibus non incrassatis, capitulis parvulis paucifloris, involucri phyllis quinque flosculis aureis tertiâ parte brevioribus, acheniis brevissimis

albidis cylindrico-prismaticis paucistriatis lævibus erostribus superne vix attenuatis pappo sordido eis subduplo brevior superatis 5.

Hab. in graminosis calcareis montis Dalechani supra Sungur in Kurdistania Persicâ ad nives 10000' (Haussk!). Fl. Sept. Oct.

Cespites lati compacti, caules pedales, folia inferiora 2-3-pollicaria lineam lata, capitula minima generis florifera sex lineas longa, achenia  $4\frac{1}{2}$  lin. longa; species suffrutescentiâ et acheniis prorsus erostribus insignis.

**SCORZONERA** (L. Gen. 986. excl. spec.). — *Podospermum* D.C.  
— *Gelasia* Cass.

Capitulum multiflorum. Involucrum imbricatum. Receptaculum nudum. Achenia basi collo inani hilum cingente vel brevissimo indistincto vel elongato subinflato suffulta, non attenuata vel superne attenuata. Pappus plumosus plumulis intertextis, vel basi plumosus apice scaber, vel a basi scaber. — Herbæ rarius suffrutescentes. — Genera in synonymiâ indicata manifeste in *Scorzoneram* transeunt.

*Specierum Orientalium distributio.*

SECT. I. Podospermum. — Gen. *Podospermum* D.C. — Achenia glabra vel hirsuta basi stipite cavo elongato sæpius inflato suffulta. Herbæ foliis pinnatim partitis vel fidis. — Sectio a sequentibus potius facie et foliis divisis quam achenii stipite apud eas interdum rudimentarie occurrente distincta.

\* Achenia glabra.

*S. laciniata, Jacquiniâna, floccosa, radicata, bulbipes.*

\*\* Achenia lanata.

*S. Persepolitana, Armeniaca.*

SECT. II. EUSCORZONERA D.C. — Achenia glabra basi non stipitata vel stipite brevissimo nunquam inflato suffulta.

§ 1. **Scaposæ.** — Caules scapiformes sæpius humiles, nudi vel basi tantum foliosi, monocephali rarius imâ basi furcati. Achenia ad costas muricata.

\* Radix in tuber inflata.

*S. Alexandrina, suberosa, mollis, Cariensis, inæquiscapa, limnophila, picridioides.*

\*\* Radix cylindrica vel fusiformis.

*S. phæopappa, verrucosa.*